




“A QUALIDADE NA FORMAÇÃO É O FUTURO DA NAÇÃO”



BOLETIM

TINAN | 2022

EDISAUN IV

INSTITUISAUN DIRETA & INDIRETA



BOLETIM MESCC



Ho grasa no bensaun husi kriadór mundu nian, ne'ebé mak fó ona susesu no matak-mali-rin ba iha progresu hotu ne'ebé mak oras ne'e ita atinje ona. Husi dalan wain no dalan difikuldade hotu, hamosu abordajen foun iha prosesu hotu ne'ebé mak hafalun netik ita-nia ain-fatin hotu, no hanorin ita atu hatene oinsá bele solusiona no hamosu transformasaun ida iha fatin ka ambiente ida nian.

Durante Ezisténsia husi Ministériu Ensinu Superiór, Siénsia no Kultura, hahú husi períodu dahuluk iha tinan 2018, bainhira konsagra hanesan órgaun governu ida ne'ebé mak responsável ba área Edukasaun Ensinu Supérior, Siénsi no Setór Kultura nian, hodi ezekuta no ezerse nia funsaun hanesan órgaun ezekutivu ida hodi kontribui ba dezenvolvimentu iha Timor-Leste.

Durante períodu fiskál hirak liuba, to'o loron-ohin, Instituisaun ida-ne'e, konsegue atinje ona, nia meta prinsipal sira ne'ebé mak, ho nia programa prinsipal sira ne'ebé mak implementadu ona, bazeia ba política VIII Governu Konstituisional nian, hodi responde ba nesesidade Povu no nasaun demokratiku ida-ne'e, hodi kontribui hadi'ak setór Edukasaun no Kultura iha rai-laran.

Iha buletin ida-ne'e, sei relata no habelar informasaun kona-ba, programa no atividade husi Ministériu Ensinu Superiór, Siénsia no Kultura nian, hamutuk ho Instituisaun Direta no Indireta sira ne'ebé mak tutela iha Ministériu. Informasaun retratu no dokumentáriu hirak ne'e, relata atividade no programa ne'ebé mak alkansa ona iha períodu tinan 2022 nian, hodi responde ba política VIII Governu Konstituisional nian, iha setór Edukasaun Ensinu Superiór, Siénsia no Kultura nian.

Dokumentasaun ba atividade hirak ne'ebé relata iha buletin ida-ne'e kompostu husi, dezenvolvimentu Infrastrutura iha área Ensinu Superiór no Kultura, subvensaun publiqua, bolsa estudu, projeto sira, no mós koperasaun sira ne'ebé ligadu ho área ensinu superior, Siénsia no Kultura iha Timor-Leste





IHA EDISAUN IDA - NE'E

ATIVIDADE ATINJIDU 2022

ÍNDISE



EKIPA ELABORASAUN

RESPONSÁVEL PRINSIPÁL

Hernâni Viterbo da Costa Soares
Diretor Jerál Aministrasuan no Finansas

TEKNIKU ELABORASAUN

Julio Amaral Guterres
Tekniku Espesializadu Media

REVIZAUN KONTEUDU

Filipe Silva
Assesor MESSK

Belarmino Soares
Assesora MESSK

DOMUMENTASAUN

Marcel da Costa Soares
Media Officer MESSK

FONTE INFORMASAUN

Ministériu Ensino Superior, Siénsia no Kultura
Sekretáriu Estadu Arte no Kultura
Fundo de Desenvolvimento Capital Humano
Komisaun Nasional Timor Leste - UNESCO

PROGRAMAS & PROJETUS MESSK & SEAK 2022..... (Pag.5-27)

Aprezenta Informasaun no atividade husi programa prinsipal sira MESSK no SEAK nian, ne'ebé mak atinje ona no nia prossesu sira hotu iha tinan 2022 nian.

ATIVIDADE SORUMUTU & AUDIÉNSIA (Pag.28-32)

Sorumutu no Audiénsia ho Órgaun sira Estadu nian, Instituisaun Governu no mós atividade sorumutu interna MESSK nian, hodi responde ba nesesidade Nasaun nian.

SORUMUTU INTERMINISTERIA NO PARSEIRU SIRA (Pag.33-35)

Sorumutu Interministerial no mós ho parseiru sira, ne'ebé mak iha koordenasaun servisu ho MESSK, hodi responde ba programa sira ne'ebé mak atu implementa.

AUDÉNSIA HO DIPLOMATA SIRA (Pag.36-37)

Retrato atividade sorumutu ho diplomata sira, hanesan sorumutu ne'ebé mak hodi hametin liután koordenasaun servisu ho liña externa nian, hodi responde ba programa sira ne'ebé mak ho koperasaun ho País externa sira iha área sira ne'ebé mak nesesita tuir nesesidade Nasaun nian.

PROGRAMA & ATIVIDADE HO INSTITUISAUN DIRETA/INDIRETA (Pag.38-41)

Retrato atividade, no programa ne'ebé alkansa no implementa ona, hamutuk ho Instituisaun tutelada sira direta no Indireta nian.

BOA GOVERNASAUN..... (Pag.42-51)

Retrato, atividade boa governasaun ne'ebé mak implementa ona husi MESSK, hodi kontribui ba reforma administrativa no boa governasaun nian.

ATIVIDADE SELUK (Pag.46-51)

Retrato atividade sira seluk, ne'ebé hamutuk ho organizasaun governo no Non Governo sira.

LENSA FOTO (Pag.32-33)






PROGRAMAS & PROJETOS MESSK & SEAK 2022

PROGRAMAS & PROJETOS MESSK 2022

Apresentaun Dezeñu DED

Husi Kompñia BARNABAD

Depoiz Lansamentu ba Projetu Sidade Universitária Aileu ne'ebé mak realiza iha Loron-21 Dezembru 2021, iha Munispiu Aileu Villa, prossesu ba implementasaun projetu refere sei kontinua lao nafatin, hodi asegura no garante sussesu ba iha implementasaun obra refere maka MESSK, kontinua nafatin ho nia ajenda, hamutuk ho Instituisaun no kompaña relevante sira hodi kontinua aselera nafatin prossesu hotu tuir meta ne'ebé Ministeriu iha. Ekipa tékniku no konsultór sira husi Kompaña BERNABAD hala'o apresentasaun kona-ba Dezeñu Enjeñaria Detalladu (DED) ba Sidade Universitariu Aileu. Apresentaun ne'e, realiza iha sala reuniaun Ministériu Ensingu Superiór, Siénsia no Kultura nian. Partisipaihasesaunaprezentasaunida-ne'e,S.Exa.MinistruEnsinguSuperiór,SiénsianoKultura,Longuininhos dos Santos hamutuk ho ekipa tékniku sira husi Instituisan refere no mós instituisaun relevante sira.



MESSK no Vise-MF Diskute kona-ba Prosesu finansiamantu konstrusaun Projetu Sidade Universitariu Aileu

S. Exa. Ministru Ensingu Superiór, Siénsia no Kultura, Longuininhos dos Santos, hala'o sorumutuk ho Vise-Ministru Finansas, António Freitas, ho ninia ekipa, hodi diskute kona-ba prosesu konstrusaun Projetu Sidade Universitariu Aileu.

Sorumutuk ida ne'e, hala'o iha Ministériu Ensingu Superiór, Siénsia no Kultura, iha Colmera, no hetan partisipasaun husi Diretor-Jerál Administrasaun no Finansas, tékniku no asesór sira.





FORMASAUN NO BOLSA BA D O S E N T E S S I R A

Iha tinan 2022, MESSK ho kordenasaun hamutuk ho FDCH implementa ona programa ba área kapasitasaun dosente sira ba iha institusaun ensinu superiór privadu sira iha área lian portugés, ho total partisipante hamutuk atus ha'at (400). Formasaun ida-ne'e atu haklean liután dosente sira nia koñesimentu iha lingua refere liliu, atu utiliza lian portugés ba iha ensinu, práтика pedagójika sira, investigasaun no siénsia nian rasik.

Aleinde benefisiu hirak ne'e, liuhusi formasaun ida-ne'e mós atu prepara dosente sira ne'e, hodi partisipa iha programa bolsa estudo ba paíz CPLP nian ne'ebé mak sei oferece husi Ministériu Ensinau, Superiór Siénsia no Kultura rasik iha institusaun Ensinau Superiór Privadu sira.

Programa ne'e, hanesan programa estratejiku iha período 2022, ministériu nian, atu bele fó apoiu ba dosente husi intituisaun ensinu Superiór privadu sira atu kontinua sira-nia estudo iha nível Mestrado no Doutoramentu.

Iha tinan ida-ne'e, ministériu atribui ona total bolsa ba dosente sira husi ensinu Superiór privadu sira hamutuk 56, ne'ebé mak sei kontinua sira-nia estudo iha ne'ebé refere iha leten. No tuir planu sei iha kontinuasaun ba iha programa ida-ne'e iha período tuir mai, atu bele fó apoiu hasa'e dosente sira-nia kualidade iha instituisaun ensinu Superiór privadu sira iha rai-laran.





Teste diagnóstiku Lingua Portugues ba Dosente hamutuk 300 husi

Instituisaun Ensinu Supérior Privadu Ekreditadu sira

Ekipa formadores husi Ministériu Ensinu Superior, Siénsia no Kultura, realiza prova diagnostika lingua Portuguesa nian ba dosente hamutuk Atus Tolu Resin (300), iha Instituisaun Ensinu Superior Privadu sira hamutuk sira ne'ebé akreditadu hamutuk Sanulu Resin Tolu (13).

Prova ida ne'e, atu hodi identifika profisiénsia lingua husi dosente sira husi Instituisaun Ensinu Supérior sira, atu hodi organiza kursu, ne'ebé mak sei realiza iha inisiu fulan Marsu 2022.

Objetivu husi formasaun lingua portuguesa ida ne'e, atu hodi bele aumenta koñseimentu husi dosente sira iha instituisaun ensinu superior privadu sira ne'ebé mak akreditadu, hodi bele facilita dosente sira nia necessidade iha exersisu

pedajojika, investigasaun, iha siensia no mos hodi prepra dosente sira atu hodi konkore ba iha bolsu estudu pos-graduasaun nian ba pais CPLP, ne'ebé oferese husi Ministériu Ensinu Supérior, Siénsia no Kultura.





Entrevista Kandidatu Bolsa Estudu ba Dosente husi

Instituisaun Ensinu Superiór Privadu Sira

Ministériu Ensinu Superior, Siénsia no Kultura, liu husi Diresaun-Jerál Ensinu Superior no Siénsia, halao prosesu entrevista ba kandidatu bolsa estudu ne'ebé Ministériu ne'e, liu husi FDCH, oferese ba dosente sira husi Instituisaun Ensinu Superiór Privadu sira iha teritóriu nasional nian. Total vaga ne'ebé mak oferese hamutuk 56, ba dosente sira bele kontinua estudu ba iha nível Mestrado no Doutoramento iha Paiz CPLP nian.

Entrevista sira refere, hala'o iha edifisiu MESSK nian, no hetan partisipasaun másimu husi kandidatu sira.





KURÍKULU PADRAUN NASIONAL

Atu hadia sistema edukasaun no ensinu iha rai-laran liliu, iha área ensinu Superiór nian, hanesan responsabilidade bo'ot ne'ebé mak ministériu Ensinu Superiór, Siénsia no Kultura prioritiza iha nia planu durante nia mandatu iha Governasaun VIII.

Ho nune'e maka ministériu implementa nia politika hodi kria kuríkulu ida ne'ebé sai hanesan standart ou padraun ba sistema ida ne'ebé mak sei sai hanesan matadalan no regula sistema hotu kona-ba ensinu Superiór iha teritóriu nasional, ne'ebé hanesan ''Kuríkulu Padarun Nasional''.

Objetivu husi Kriasaun Kuríkulu Padraun Nasional ida-ne'e, atu Timor-Leste bele iha rasik nia padraun kuríkulu ida ne'ebé mak bele regula kona-ba kriasaun Instituisaun Ensinu Superiór sira no mós nia sistema sira iha rai-laran, atu nune'e bele garante kualidade husi Intituisaun referente sira, hodi bele produz rekursu umanu ne'ebé mak kualidade ba iha futuru.



MESSK Hala'o Abertura Atividade Diseminasaun Dekretu-Lei Kona-ba Kuríkulu Padraun Nasionál

S. Exa. Ministru Ensinu Superiór, Siénsia no Kultura, (MESSK), Longuinhos dos Santos, hala'o abertura ba atividade diseminasaun dekretu-lei kona-ba Kuríkulu Padraun Nasional Ensinu Superior nian, iha Auditóriu UNITAL, Becora.

Atividade ida-ne'e hala'o durante loron-tolu, no hetan partisipasaun husi Magnifiku Reitór no dosente sira husi Instituisaun Ensinu Superior akreditadu sira.





LIÑA KREDITU

Ensinu Superior Kualidade +

Atu hetan rekursu umanu ne'ebé kualifikadu no mós hadia kualidade husi edukasaun maka, presiza hadia uluk kualidade ba iha insituisaun edukasaun sira. Iha área ensinu Superiör nian, Ministériu Ensinu, Superiör Siénsia no Kultura, liuhusi nia políтика no programa hodi fó apoiu ba hadi'ak kualidade ensinu Superiör privadu sira iha rai-laran mak, implementa ona programa ``Liña Kreditu Ensinu Superiör Kualidade +``, ne'ebé mak ho koperasaun servisu hamutuk ho Banku Nasional Komérsiu Timor-Leste (BNCTL), ho nia objetivu atu ofereše kréeditu ba iha Instituisaun Ensinu Superiör privadu sira iha Timor-Leste.

Oferta kréeditu ida-ne'e, hodi bele apoiu liután nesesidade husi insituisaun ensinu Superiör privadu sira, hodi bele kontribui ba sira-nia nesesidade no mós bele moderniza kualidade husi instituisaun sira-nia infraestrutura no mós programa sira seluk ne'ebé mak nesesita tuir sira-nia nesesidade rasik.



SORUMUTU MESSK, IES PRIVADU NO BNCTL BA IMPLEMENTASAUN

``Liña Kreditu Ensinu Supérior Kualidade +``

Ministériu Ensinu Superiör, Siénsia no Kultura liu husi Diretora-Jeral Ensinu Superior no Siénsia hala'o sorumutuk ho Instituisaun Ensinu Superiör sira kona-ba implementasaun “Linha de Credito Ensinu Superior Qualidade+” ne'ebé konta ho prezensa husi reprezentante BNCTL no Magnífi-ku Reitor sira husi Instituisaun Ensinu Superior privadu sira.





BOLSA PARSIÁL

Ministériu Ensinu Superiór Siénsia no Kultutra, ho koordenasuan hamutuk ho Fundu Dezenvolvimentu Kapital Umanu, iha tinan 2022, implementa ona programa, atribuisaun bolsa parsiál ba estudante finalista sira husi Ensinu Sekundáriu sira ne'ebé mak ho nota diak, atu kontinua sira-nia estudu iha nível ensinu Superiór iha rai-laran.

Kustu ba iha bolsa ida-ne'e, sei kobre ba propina eskola no mós ba depeza nesesáriu sira ne'ebé mak relevante ho estudante sira-nia nesesidade estudu nian.

Iha tinan 2022, atribui ona bolsa hamutuk Rihun ida (1000) no tuir meta to tinan 2023 sei atinje to bolsa hamutuk Rihun Rua (2000), ne'ebé mak sei kobre hotu ba iha instituisaun ensinu Superiór sira hotu iha territóriu nasional nia laran.



SEREMÓNIA ASSINA NOTA ENTENDIMENTU BOLSA PARSIÁL

S. Exa. Ministru Ensinu Superiór, Siénsia no Kultura, Longuinhos dos Santos, partisipa iha serimónia asinatura Nota Entendimentu ba programa Bolsa Parciál ho Institutu/Universidade Ensinu Superiór privadu iha rai-laran.





BOLSA HAKBI'IT

Ministériu Ensinu Superiór, Siénsia no Kultura, ho koordenasuan ho FDCH kontinua halo atribuisan bolsa hakbiit, ne'ebé mak ho nia destinu ba estudante sira ne'ebé mak ho kondisaun ekonomikamente desfavorável atu bele hetan asesu ba iha Ensinu Supérior.

Programa ne'e, implementa husi Fundu Dezenvimentu Kapital Umanu ne'ebé mak atribui ona ba iha Estudante sira, iha Instituisaun ensinu Supérior sira iha territóriu nasional nian.

No tuir meta to tinan 2023, atribuisaun bolsa ne'e sei atinje to'o Benefisiariu hamutuk Rihun Tolu (3000).





BOLSA MÉRITU

Iha tinan 2022, Ministériu Ensinu Superiór, Siénsia no Kultura ho koordenaasaun ho Fundu Dezenvolvimentu Kapital Umanu, implementa ona programa bolsu estudu méritu nian.

Husi prosesu ne'e, seleciona ona, bolseiru hamutuk nain tolu nulu (30), ne'ebé sei bá kontinua sira-nia estudu iha paíz CPLP nian, iha nível Lisensiatura no Mestrado.

Prosesu implementasaun ba programa ida-ne'e, hala'o direta husi Fundu Dezenvolvimentu Kapital Umanu (FDCH).

MESSK Abertura Kursu Preparatóriu Bolseirus ba Paíz CPLP

S. Exa. Ministru Ensinu Superiór, Siénsia no Kultura, Longuinhos dos Santos, hala'o abertura ba kursu preparatóriu lian Portugés, kultura no pedagojia ba bolseiru admitidu sira ho Bolsa Méritu no Bolsa Dosente Instituisaun Ensinu Superiór privadu sira, ne'ebé iha tinan ida-ne'e sei desloka hodi hala'o estudu iha Instituisaun Ensinu Superiór sira iha nasaun CPLP nian liliu, Portugal no Brasil.





ESTÁJIU PROFISIONÁL

MESSK Hala'o Abertura Ofisiál ba Programa Estájiu Profisionál

Mellór Graduadu sira

Programa estájiu profisionál ba mellor graduadu sira, ne'ebé mak remata ona sira-nia estudu iha nível ensinu Superiór sira iha teritóriu nasional nian. Implementasaun programa ida-ne'e, ho koordenasaun servisu hamutuk ho Fundu Dezenvolvimentu Kapital Umanu, ne'ebé mak hanesan instituisaun ezekutadór ba implementasaun programa refere.

Objetivu husi programa ida-ne'e, atu bele fó oportunidade ba iha mellor graduadu sira hodi bele integra ba iha vida profisionál liliu, ba iha kampu traballu ne'ebé mak, tuir área ida-idak ne'ebé ne-sesita ba, atu ba futuru graduadu sira ne'e bele iha ona esperiênsia profisionál hodi bele kompete ba iha merkadu servisu iha rai-laran no mós rai-liur.



S. Exa. Ministru Ensinu Superiór, Siénsia no Kultura, Longuinhos dos Santos, loke serimónia ofisiál lansamentu programa estájiu profisionál ba Melhores Graduados hosi Instituisaun Ensinu Superiór iha rai-laran.

Serimónia ne'e hala'o iha salaun Delta Nova, Comoro, no hetan partisipasaun husi Vise Presidente INCT, Magnífiku Reitor ka reprezentante sira husi Instituisaun Ensinu Superior sira, dirigente husi instituisaun ne'ebé mak atu simu estajáriu sira no mós estudante Mellor Graduadu sira.





MESSK Akompaña Primeiru-Ministru Hatu'ur Fatuk Dahuluk ba

Konstrusaun Foun IPB

S. Exa. Ministru Ensinu Superiór, Siensia no Kultura, Longuinhos dos Santos, akompaña S. Exa. Primeiru-Ministru Taur Matan Ruak hatu'ur fatuk dahuluk ba konstrusaun foun Institutu Politékniku Betano (IPB).

Serimónia ida-ne'e halo iha Suku Betano, Postu Administrativu Same, Munisipiu Manufahi, no hetan mos partisipasaun husi S. Exa Vise-Primeira-Ministra, S. Exa Sekretáriu Estadu Ambiente, Administradór Munisipiu Manufahi, Representante korpu Diplomatiku, Magfiku Reitór, Xefi Suku, Lia nain, Estudante no komunidade sira.



REZUMU RELATÓRIU PROSESU IMPLEMENTASUN

PROJETU EDIFISIU FOUN INSTITUTU POLITÉKNIKU BETANO

Planu Konstrusaun Institutu Politékniku Betano, sai nu'udar projeto prioritáriu ida ba dezenvolvimento setór edukasaun no kualifikasaun rekursu umanu nian, ne'ebé ninian implementasaun hatu'ur iha Timor-Leste nian Planu Estratéjiku tinan 2011-2030 no iha Governu Konstitusional Dawaluk konsidera nudar Programa Esensiál nebe'é Governu fo fiar no kompeténsia ba Ministeriu Ensinu Superiór, Siensia no Kultura atu asegura ninia implementasaun.

Projetu ida-ne'e hatuur ho objetivu atu hakbiit rekursu umanu ho kualidade iha Timor-leste iha área prioridade hirak ne'ebé mak determina tuir nesesidade dezenvolvimentu nasional nian, desentraliza Ensinu Superiór ba iha nível Munisípiu no hasa'e ekonomia lokál iha nível munisípiu.

Kriasaun Institutu Politékniku Betano hahú ho elaborasaun Termu Referénsia ba Estudu Viabilidade nomós Dezeñu Enjeñaria Detalladu (DED), ne'ebé maka ninia prosesu tomak rezulta husi koopera-saun entre Governu Timor-Leste no Indonésia, no liuhusi servisu hamutuk ida-ne'e, Institutu Teknoloxia Bandung (ITB) oferece ninia disponibilidade atu elebora dokumentu tekniku refere.

Iha tinan 2018, MESSK apresenta planu implementasaun ba S.E Primeiru-Ministru no hetan rekomen-dasaun pozitiva tebes atu asegura hikas ninia konstrusaun. Nune'e, iha tempu hanesan, MESSK hahú submete proposta projetu ida-ne'e ho kustu inisiál \$21,895,000.oo. No hafoin submisaun ba Ministériu Obras Públikas hodi halo verifikasaun, MOP apresenta kustu revizaun final ba projetu ida-ne'e ho montante \$ 18,369,000.oo.

Iha tinan 2021, hafoin halo diskusaun iha Konsellu Administrativu Fundu Infraestrutura (KAFI) no atu asegura disponibilidade orsamentu ba konstrusaun nian, MESSK submete proposta konstrusaun ba Sekretaria Grande Projeto hodi Orsamenta ba tinan orsamentu 2022 nian, ne'ebé verifika ona husi MOP ba Ajénsia Dezenvolvimentu Nasional (ADN) atu halo verifikasaun final.

Konsidera ba dimensaun husi projetu ne'e rasik no orsamentu ne'ebé presiza atu gasta, MESSK ho SGP no ho koñesimentu ba instituisaun relevante sira, desidi atu halo konstrusaun tuir faze. Nune'e, ba tinan 2022, MESSK propoin konstrusaun ba faze dahuluk ho totál

\$ 4,540,962.89 husi total \$18,369,000.oo destinadu atu asegura konstrusan ba "Landscape no Infrastructure".

Iha fulan Fevereiru 2022, MESSK submete pedidu konkursu lisitasaun ka tenderizasaun ba Komisaun Nasional Aprovizacionamento atu loke konkursu ba servisu konstrusaun no servisu supervizaun nian. No husi proseu ne'e, rezulta kompaña Chongqing International Construction Corporation (CICO), maka sai nu'udar manán-na'in, ho submissaun valór konstrusaun maka \$ 3,961,658.78.

Infelizmente, ba servisu supervizaun nian, hafoin prosesu tenderizasaun dalarua, la konsegue hetan kompaña ne'ebé eléjivel atu asegura supervizaun. Konsidera ba rezultadu ida-ne'e, MESSK propoin ba KAFI atu buka alternativa seluk hodi bele asegura konstrusaun ba faze dahuluk. Nune'e, hafoin reunião KAFI iha loron kinta, 18 agostu 2022, liuhusi deliberausaun no. 55/VII/CAFI/2022, deside katak servisu supervizaun sei hetan responsabilidade husi ekipa téknika komposta husi Ministériu Obras Públikas no Ministériu Ensino Superior, Siénsia no Kultura.

Ministeriu Ensino Superior, Siénsia no Kultura, nu'udar na'in ba projetu, hahú iha tinan 2019, halo Kordenasaun ho Ministériu Estatal, Presidente Autoridade Municipio Manufahi no entidade lokál realiza soromutu alargadu boot ho komunidade hodi bele halo kordenasaun no konsensu komun atu bele harii konstrusaun IPB.

Husi soromutu konsultasaun ne'ebé realiza to'o dalatolu, hetan duni konsensu finál no aseitasaun finál pasifika no pozitiva, ne'ebé maka reprezenta ema hotu-hotu nia hakarak atu dezenvolve programa ida-ne'e.

Iha fulan jullu 2021, Ministériu hamutuk ho liña ministerial relevante sira ho programa ida-ne'e, hafoin reunião koordenasaun sira, inisia prosesu levantamento dadus ba Uma no ai-horis ka Produtu Agrícola, ho objetivu atu kalkula orsamentu ba indemnizasaun.

Liuhusi servisu tékniku ne'e, rezulta totál ne'ebé presiza atu halo indemnizasaun maka \$ 22,486,20, totál ida-ne'e, sei indemina ba uma 2, ho total \$ 4,984.20, no ba ai-horis husi ema nain haat-nolu (40) ho total \$. 17,502.00.

Ministériu Ensino Superior, Siénsia no Kultura konsiente ba responsabilidade no kompeténsia ne'ebé hetan ona, sei kontinua asegura konstrusaun edifisiu Instituto Politécnico Betano nian ba faze hirak ne'ebé mak realiza tuir mai, ho totál orsamentu \$ 13,828,037.11, nomós, MESSK sei esforsa atu atende komunidade afetada sira tuir dahan ne'ebé lei hatudu ona.

Ikus mai, permite hau atu aproveita okaziaun ida-ne'e, hodi Ministériu Ensino Superior, Siénsia no Kultura nian naran, hato'o agradesimentu ba instituisaun governu relevante ho projetu ne'e maka hanesan, Ministériu Obras Públicas, Ministériu Agrikultura no Peskas, Ministériu Estatal, Sekretária Estadu Terras no Propriedades, Sekretariadu Grande Projeto, Ajénsia Nasional ba Dezenvolvimentu no Komisaun Nasional ba Aprovizacionamento ba tulun, partilla koñesimentu no matenek tékniku ne'ebé fahe ona ho MESSK.

Serimónia Asinatura Memorandu Entendimentu Entre

MESSK ho IES ba Apoiu Liña Internet

Serimónia asinatura memorandu entendimentu sira entre Ministériu Ensinu Superior, Siénsia no Kultura ho Instituisaun Ensinu Superior pública no privada sira ho objetivu atu fó apoiu ba liña internet no mós atividade extrakurikulár sira.

Memorandu Entendimentu sira ne'e asina diretamente husi S. Exa. Ministru Ensinu Superiór, Siénsia no Kultura ho Magnífiku Reitór no Presidente husi Instituisaun sira ne'ebé refere.

Serimónia ne'e hala'o iha salaun Hotel Novo Turismo.



Observasaun Fatin Instalasaun Internet iha Edifisiu IES Privadu Sira

Ekipa téknika husi Ministériu Ensinu Superiór Siénsia no Kultura (MESSK), kompostu husi tékniku informática, aprovisionamentu, Diresaun-Jerál Ensinu Superiór nian no tékniku Telemor nian, halo vizita ba Instituisaun Ensinu Superiór (IESP) iha Dili, ho objetivu atu koordena ho responsável sira IP nian no observa instalasaun ekipamentu sira ne'ebé nesesáriu hodi halo ligasaun liña internét ne'ebé Governu apoiu iha kada instituisaun ne'ebé lokalizada iha Díli no Munisípiu sira.

Programa ida-ne'e enkuadra iha dekretu-lei n.28/2022, loron-19 fulan-maiu, ne'ebé aprova apoiu ba estabelesimentu ensinu superior privadu nian, hodi fasilita assesu intertnét ba dosente no estudante sira, atu nune'e sira bele hala'o sira-nia traballu peskiza akadémika.

Kontinuasaun ba atividade ne'e, sei hala'o hotu ba instituisaun sira seluk iha territóriu nasional to mak, ho objetivu atu kria kondisaun nesesária, atu empreza manán-na'in sira bele hahú harii instalasaun liña internét nian iha instituisaun hotu-hotu.



MESSK Hala'o Assinatura Kontratu ho

Kampaña Operadór Telemor

S. Exa. Ministru Ensinu Superiör, Siénsia no Kultura, Longuinhos dos Santos, sai sasin ba asinatura kontratu entre Ministériu Ensinu Superiör, Siénsia no Kultura ho kompaña operador TELEMOR ba programa apoiu liña Internet ba Instituisaun Ensinu Superiör privada sira iha Timor-Leste. Kontratu refere asina husi Diretor-Jeral Administraun no Finansas ho Diretor TELEMOR nian, iha salaun Ministériu Ensinu Superiör, Siénsia no Kultura, iha Kolmera.



Atividade Monitorizaun ba

Díli Institute of Technology (DIT)

Ekipa husi DNESU-MESSK halao monitorizaun ba atividade no funzionamento iha Díli Institute of Technology (DIT), hodi haree fasilitade no prosesu lala'ok ensinu sira iha fkuldade sira ne'ebé mak eziste iha Instituisaun Ensinu Superiör refere.

Objetivu husi atividade ida-ne'e, atu bele hare kondisaun prosesu aprendizajen no mós ekipamentu operasionál ne'ebé eziste iha kada sala aula hodi garante kualidade ba Instituisaun Ensinu Superiör sira iha Timor-Leste.





LORON NASIONAL ENSINU SUPÉRIOR

Ba ambitu selebrasaun loron nasional Ensinu Supérior nian, Diresaun Jeral Ensinu Supérior no Siénsia realiza eventu oin-oin ne'ebé ligadu ho ensinu Supérior atu festeza loron refere.

Eventu ne'ebé realiza iha ámbitu selebrasaun loron nasional ida-ne'e, mak hanesan, Taxa Ensinu Supérior CUP iha Modalidade Futsal no Volleibol, Kompetisaun Diskursu Públiku, Konkursu Eskrita Kreativas, Expozisaun kona-ba Ensinu Supérior nian, no semináriu.



MESSK Hala'o Abertura ba Expo Instituisaun Ensinu Supérior

S. Exa. Ministru Ensinu Supérior, Siensia no Kulturna, Longuinhos dos Santos, hala'o abertura ba Expo Instituisaun Ensinu Superior, iha resintu MESSK, Kolmera.

Expo refere sei hala'o durante loron 3, no partisipa husi Instituisaun Ensinu Superior sira ho Objetivu atu komemora Loron Nasional Ensinu Superior no Siénsia.



Asesu Ensinu Supérior Públiku

Atu garante transparânsia ba oportunidade hodi asesu ba ensinu supérior públiku iha tinan akadémiku 2022 maka, Ministériu Ensinu Superiör, Siénsia no Kultura, liuhusi Komissaun Asesu Ensinu Supérior (KAES), ne'ebé hatuur bazei-a ba diploma ministériál 32/2022, 10 Agostu, kona-ba asesu Ensinu Supérior Públiku, hodi fó kompetensia atu regula no prosesa, prosesu sira hotu ligadu ho asesu no ingresu nian. Implementasaun diploma ida-ne'e, hodi fó oportunidade ba sidadaun sira hotu ne'ebé mak hakarak kontinua sira-nia estudu iha UNTL no IPB, ne'ebé mak hafahe ba Rejime rua(2), hanesan, rejime jerál no rejime espesiál.

Husi rejime hirak-ne'e, atribui oportunidade ba finalista sira ne'ebé mak termina sira-nia estudu iha nível sekundáriu tinan 2022 nian, no mós ba interesadu sira seluk ne'ebé mak sei aplika tuir rejime espesiál, inklui mós ba sira ne'ebé ho kondisaun difisiénsia fízika no sensoriál komprovadu atu hetan, oportunidade iha nível ensinu supérior.



Abertura ba Diseminasaun Informasaun Kona-ba Asesu Ensinu Superiör Públiku

Tinan Akadémiku 2023

S. Exa. Ministru Ensinu Superiör, Siensia no Kultura, Longuinhos dos Santos, hamutuk ho Presidente Autoridade Rejiaun Administrativa Espesiál Oé-Cusse Ambeno (RAEOA), Arsenio Paixão Bano hala'o abertura ba disseminasaun informasaun kona-ba Asesu Ensinu Superiör Públiku ba tinan Akadémiku 2023 nian.

Serimónia abertura ida-ne'e hala'o iha Edifisiu Edukasaun RAEOA, no hetan partisipasaun másimu husi Diretor Eskola, Xefi Sukus no Estudante sira.



PROGRAMAS & PROJETUS SEAK 2022

Selebrasaun Loron Nasional Kultura



Konferénsia da Imprensa iha ámbitu Komemorasaun Loron Nasional Kultura ba dala VIII (14 Outubro 2014 - 14 Outubro 2022). Diretor-Jerál Arte no Kultura, apresenta tinan-tinan sempre selebra loron nasional kulturál bazeia ba Rezolusaun Governu n.º 30 /2014, 29 Outubru, ne'ebé deklara loron 14 fulan Outubru nu'udar Loron Nasionál ba Kultura, nune'e mós loron ida-ne'e koresponde no fó omenajen ba data nasimentu saudozu poeta Francisco Borja da Costa, autor ba múzika hino nasional Pátria-Pátria. Selebrasaun Eventu ba tinan 2022 nian sei hala'o iha Munisipiu Atauro ho servisu hamutuk ho gabinete prezidénsia Repúblika hamutuk ho Ministeriu relevante sira, ho modalidade oin-oin mak hanesan apresentasaun dansa, múzika, poezia, kulinária no parte SEAK preve ona orsamentu \$ 20,000 ba atividade komemorasaun tinan ne'e, ne'ebé sei realiza iha fulan oin montante ne'e seidauk inklui montante ne'ebe preve husi Sua Excia. Presidente da Republika. Iha biban ne'e apresenta mos atinjimentu sira VIII governu konstitusionál nian iha área patrimóniu no kultura mak hanesan:

- Liuhusi Komitê Nasional ba Patrimóniu Kultural Imaterial kongege ona rejistru Tais nu'udar patrimóniu kultural imaterial ba UNESCO no hetan ona rekoñesementu.
- Kontinua fó apoiu no fó apoiu ona ba grupu Industria Kriativas Kulturais, Grupu Moradores no Apoio ba Prezervasaun Uma Lulik hamutuk 240, kompostu husi 113 Uma Lulik no 127 Grupu Kultural husi períodu julho 2018 até outubru 2022.
- Realiza atividade sensibilizasaun, jestaun no peskiza sira iha área Muzeu, Biblioteka, Artes no Patrimóniu Kultural.
- Halo mapeamento no tau sinalizasaun ba fatin sira ne'ebé identifikadu ona hanesan sítiu istóriku no kulturál.
- Halo levantamento dadus ba Uma Lulik no grupu kulturál sira ne'ebé eziste iha Timor-Leste.
- Halo sensibilizasaun ba públiku kona-bá Rejime Jurídiku Patrimóniu Kultural (Dekretu-Lei N.º 33/2017).
- Realiza sensibilizasaun ba públiku kona-bá Konvensaun UNESCO 1972, 2003 no 2005, ne'ebé Timor-Leste ratifika ona.

Atu remata dirijente kargu xefia sira ne'e afirma katak servisu protesaun, konservasaun no salvaguarda patrimóniu kultural ne'e transversais katak responsabilidade Timoroan hotu nian.



MESSK Partisipa Iha Serimónia Hahú Konstrusaun Edifísiu

Biblioteka Nasionál Timor-Leste

S. Exa. Ministru Ensinu Superiór, Siensia no Kulturna, Longuinhos dos Santos, akompaña S. Exa. Primeiru-Ministru, Taur Matan Ruak, iha serimónia hahú konstrusaun Edifisiu Biblioteka Nasionál Timor-Leste, iha Hudi-Laran Bairro Pité.

Projétu konstrusaun edifisiu biblioteka nasional Timor-Leste finansia husi Kompañia ENI, husi konteúdu lokál kampu kitan ho montante Mili-aun io Dolar Amerikánu.

Iha tinan 2016 iha ukun Sua Excia. Prezidente da Republika, señór Jenerál Taur Matan-Ruak mak atribui rai ka espasu ho medida 27,000 M² nu'udar fatin ba konstrusaun biblioteka nasional. Iha tinan 2017 mós mak ita finaliza moru, drainagen no ateru rai.

Prosesu konkursu ba konstrusaun atraza tam-ba evolusaun COVID-19, prosesu tender ba kon-

strusaun halo husi Kompañia ENI tuir Sistema aprovizionamentu ENI nia ne'ebe aplika ba projektu konteúdu lokál hotu iha mundu.

Elementu importante ida iha prosesu ne'e mak asinatura memorandu entendementu entre Sekretaria Estadu Arte no Kultura (SEAK) ho Autoridade Nasional Petróleu no Minerais hodi asegura sustentabilidade projeto ne'e to'o remata. Tuir kalendáriu kontratu ho kompañia kontratór sei halo iha fulan Agostu 2022, iha tempu hanesan sei halo mós kontratu ho kompañia konsultór.

Dokumentu ba funding agreement entre ANPM ho ENI no kontratu ho kompañia konstrutor submete ba desizaun Konsellu Diretor ENI nian, iha Milan Italia, tuir prosedimentu interna kompañia ne'e nian.





MESSK Partisipa Iha Serimónia Lansamentu Apoiou ba Prezervasaun Uma Lulik no Grupu Kulturál sira

S. Exa. Ministru Ensinu Superiór, Siénsia no Kultura (MESSK), Longuinhos dos Santos, no S. Exa. Sekretáriu Arte no Kultura, Teófilo Caldas, partisipa iha serimónia lansamentu no hala'o asinatura kontratu ho benefisiáriu sira ne'ebé hala'o kna'ar iha esforsu Prezervasaun Uma Lulik, Grupu Indústria Kriativu Kulturál no mós Grupu Kulturál Komunitáriu sira.

Serimónia ida-ne'e, S. Exa. MESSK fó agradesimentu ba ekipa Komisaun Subvensaun Públika ne'ebé konsege halo duni selesaun ba proposta Uma Lulik hamutuk 27 nomós Grupu Kulturál hamutuk 25.

S. Exa. MESSK rekomenda ba grupu benefisiáriu sira katak, mesmu Governu apoiu uituan, importante mak ita hotu bele utiliza orsamentu atu promove ita-nia identidade kulturál no husu mós grupu benefisiáriu sira atu utiliza orsamentu ida-

ne'e ho responsabilidade no apresenta relatório tuir kalendáriu ne'ebé mak iha. Serimónia ida-ne'e, hala'o iha salaun Ministériu Ensinu Superiór, Siénsia no Kultura iha Kolmera, no hetan mós partisipasaun husi Membru Komis-aun Subvensaun Públika.





DEBATE ESPESIALIDADE PROJETU LEI KÓDIGU DIREITU AUTÓR

Sua Exceléncia Sekretáriu Estadu Arte no Kultura (SEAK) Señór Teófilo Caldas reprezenta Sua Excia. Ministro Ensingu Superiör Siensia no Kultura (MESCC), akompaña husi tékniku sira husi SEAK no MESSK partisipa iha debate espesialidade ba projetu lei Direitu de Autór no Direitu Konektus ne'ebe organiza husi Komisaun G Parlamentu Nasional. Iha sesaun debate espesialidade marka prezensa husi Prezidente Komisaun G hamutuk ho membrus tomak, delegasaun Sekretariu Estadu Arte no Kultura, reprezentante husi Ministériu Turismu Komérsiu no Indústria, Tic Timor, Almamor no reprezentante akadémiku husi Universidade Nasional Timor-Lorosae (UNTL). Hafoin lei ne'e pasa iha votasaun jeneralidade mak prosesu rejimental tuir mai komisaun kompetente ka proponente organiza debate espesialidade ho parseiru prinsipal sira ne'ebe sei implementa, afeita ka

alvu husi aplikasaun lei ne'e.

Iha intervensaun Sua Excia. SEAK hateten katak lei ne'e importante tebes tambo valoriza autór individual sira ba kualker obra literatura, científiku no artústiku, kreatividade ka autór ba obra sira ne'e sei seguru tambo sira nia direitu protejidu. Husu ba partisipante sira atu akompaña didiak no fó kontribuisaun konstrutivu durante loron sira ne'ebe determina ona ba debate espesialidade ne'e nune'e, ita bele hetan lei ida ne'ebe bele akumula interesse autór tomak no ninia prosesu administrativu rejistrasaun obra nian. Debate espesialidade ne'e lidera husi Prezidente Komisaun G, Distintu Deputadu Antonio Verdial no realiza iha Edifisiu Rejional Agrikultura Postu Administrativu Maubara Munisipiu Likisa.



FORMASAUN ARTÍSTIKU DANSA

Sekretaria Estadu Arte no Kultura (SEAK) liuhusi Unidade Implementasaun Akademia (UIA) realiza formasaun artístico iha área dansa, música no pintura ne'ebe involve estudante pré-sekundária 10 de Abril Gleno Ermera. Objetivu husi atividade idane'e mak atu promove talentu foinsa'e sira nian iha área música, dansa no pintura hodi hasaee kapasidade no kualidade artista sira. Atividade ida-ne'e hanesan atividade annual husi UIA no formasaun refere realiza iha salaun Biblioteka Gleno Suku Talimoro, Postu Administrativu Ermera Munisípiu Ermera durante loron-5.



FORMASAUN ARTEZENATU

Sua Eselénsia Sekretáriu Estadu Arte no Kultura (SEAK) Sr. Teófilo Caldas, akompaña husi dirigente no tékniku sira, halo abertura ba programa Formasaun Artezenatu (Soru Tais) hodi hasa'e koñesimentu no kreatividate soru-na'in sira.

Iha intervensaun membru governu ne'ebe responsável ba área patrimóniu no kultura hateten, agradese ba soru-na'in sira tamba, ho sira-nia esforsu hodi kontinua atividade soru tais, hodi promove ita-nia identidade maka, ohin-loron Ministériu Ensinu Superiór Siénsia no Kultura (MESSK) liuhusi Sekretáriu Estadu Arte no Kultura hamutuk ho parseiru ne'ebe hamahan iha Komisaun Nasional Patrimóniu Kulturál Imaterial Timor-leste ba UNESCO konsege rejista Tais sai patrimóniu kulturál imaterial. Membru governu enkoraja atu soru-na'in sira kontinua soru no hatutan obra ne'e ba jerasaun tuir mai.

Formasaun refere realiza liuhusi akordu memorandu entendimentu entre Ministériu Ensinu Superiór Siénsia no Kultura (MESCC) ne'ebé reprezenta husi Sekretáriu Estadu arte no Kultura (SEAK) ho Kompania Empresa Diak. Tuir akordu ne'e Kompania empresa diak sei fasilita forma-

saun ba grupu kulturál sira liliu, iha área artezenatu (homan no soru tais). Formasaun ba grupu soru-na'in sira fasilita husi Sr. Agostinho de Jesus, Jestór Programa Empresa Diak.

Matéria formasaun nian mak jestaun grupu, jestaun finanseira, merkadoria no rede negósiu. Partisipante soru-na'in sira mai husi munisípiu 6 mak hanesan Likisa, Baukau, Lautém, Díli, Viqueque no Bobonaro hamutuk ema na'in-9.

Programa formasaun ne'e parte husi implementaun planu salvaguarda tais nu'udar patrimóniu kulturál imateriál.



INAGURASAUN UMA LISAN

Sua Excia. Sekretáriu Estadu Arte no Kultura partisipa iha serimónia inauguraun uma-lisan Berulu Lau-Loe ne'ebé lokaliza iha Suco Lauana, Postu Administrativu Lete-Foho. Iha Serimónia Inagurasaun ne'e partisipa mós husi Autoridade Nasional, Autoridade Lokál, Veteranu, Komunidade no mós Jerasaun husi uma-lisan Berulu Lau-Loe. Iha intervensaun membru governu ba área temátiku Patrimóniu no Kultura ne'e hateten papel Sekretaria Estadu Arte no Kultura mak atu halo Protesaun, Promosaun, Prezervasaun, Konservaun, Jestaun no Salvaguarda Patrimóniu Kulturál



presiza dezenvolvimentu integradu katak, tenke iha kondisaun diak ba infraestrutura hanesan estrada, nu'udar kondisaun bázika ba turista sira, uma-lulik mós kontribui ba luta libertasaun nasional hanesan ita hotu hatene maioria guerilleiru sira lori biru ka kakaluk uma-lulik nian hanesan kbiit spirituál ne'ebé salva vida iha funu laran hasoru inimigu, konsekuénsia husi envolvimentu iha funu halo família husi lisan refere barak hetan destera no uma-lulik barak hetan estragus ka sunu. Uma-lulik mós kontribui ba edukasaun katak sempre simu buah ho malus "matak-malinrin" molok kontinua estudu ka atividade ekonómika ruma.

Uma-lulik aleinde rai objetu kulturál sai mós hanesan fatin hasa'e sakrifisiu hodi husu tulun ba Maromak no beiala sira nune'e, uma-lulik konsidera mós hanesan símbolu identidade Timoroan sira nian.

Iha Biban ne'e Sua Eselénsia Apresia tebes ho jerasaun uma-lisan Berulu Lau-Loe tamba Manttein nafatin eránsa Kulturál ne'ebé ita-nia beiala sira husik hela, liuhusi konstrusaun Uma-lulik ho materiál Tradisionál. Hau-nia parabéns no hakuak bo'ot ba jerasaun uma-lisan Berulu Lau-Loe, nafatin hatudu imi-nia Unidade Familiár, paz no estabilidade iha uma-lisan ne'e no mós hodi kontruibui ba Dezenvolvimentu Nasional iha itania Nasaun.





ATIVIDADE SORUMUTU & AUDÉNSIA



MESSK Partisipa iha

Sorumutuk ho S. Exa. Prezidente Repúblika

S. Exa. Ministru Ensinu Superiór, Siénsia no Kultura, Longuinhas dos Santos, hamutuk ho membru Governu sira, mak hanesan S. Exa. Ministru Prezidénsia Konsellu Ministrus, S. Exa. Ministru Finansas, S. Exa. Ministru Edukasaun, Juventude no Desportu, S. Exa. Ministra Saúde no S. Exa. Vise-Ministra Solidaridade Sosiál, hala'o enkontru ho S. Exa. Presidente Repúblika, José Manuel Ramos Horta, iha Palásiu Prezidensiál, Aitarak-Laran.



AUDÉNSIA S. EXA. MINISTRO

S. Exa. Ministru Ensinu Superiór, Siensia no Kultura, Longuinhas dos Santos, imforma ba S. Exa. Primeiru-Ministru, Taur Matan Ruak iha Palásiu Governu, asuntu 4 mak hanesan: (1) andamentu Sidade Universitariu Aileu; (2) kualiadade no jestaun ba Instituisaun Ensinu Superior nian; (3) Utilizasaun lian ofisiál iha Instituisaun Ensinu Superior no (4) Promove metodolojia ensinu distásia.



AUDÉNSIAS PARLAMENTARES

S. Exa. Ministru Ensinu Superiór, Siénsia no Kultura, Longuinhos dos Santos, akompaña mos Diretor-Jerál Administrasaun Finansas, Diretor Ezekutivu FDCH, no Asesor sira partisipa iha Audiénsia Públiku iha Parlamentu Nasional kona-ba Orsamentu Retifikativu tinan 2022.



MESSK no SEAK Partisipa Iha Audiénsia Pública ho Komisaun G Parlamentu Nasional

S. Exa. Ministru Ensinu Superiór, Siénsia no Kultura, (MESSK), Longuinhos dos Santos, no S. Exa. Sekretáriu Estadu Arte no Kultura, (SEAK), Teófilo Caldas, akompaña husi dirijente sira husi Ministériu nian, hala'o audiénsia pública ho Deputadu sira husi Komisaun G Parlamentu Nasional, ne'ebé lidera husi Presidente Komisaun ne'e rasik, Deputadu António Verdial.

Objetivu husi sorumutuk ne'e, hodi apresenta pontu situasaun kona-ba implementasaun programa no orsamentu iha tinan 2022, no mós hodi halo apresentasaun kona-ba proposta OJE 2023 ba Ministériu Ensinu Superiór, Siénsia no Kultura nian.

Ekipa ne'ebé akompaña S. Exa. MESSK no S. Exa. SEAK kompostu husi Diretor-Jerál Administrasaun no Finansas, Diretora-Jerál Ensinu Superiór no Siénsia, Diretor-Jerál Arte no Kultura, Inspetor-Jerál, Diretor Ezekutivu FDCH, Koordena-dora Unidade Planeamentu Parseria no Kopera-saun no Asesór sira.



SORUMUTU ORDINÁRIU NO EXTRAORDINÁRIU KONSELLU MINISTRU

Sorumutu Ordináriu no Extraordináriu Konsellu Ministru, hanesan sorumutu regulár ne'ebé mak realiza entre membru governu sira hotu, hodi responde ba nesesidade governu nian, liliu, kona-ba elaborasaun, implementasaun programa estratéjiku sira no ezekusaun sira ne'ebé mak benefisia ba futuru Nasaun RDTL nian. Sua Eselénsia Ministru Ensinu Supérior, Siénsia no Kultura hanesan, membru governu ida ne'ebé mak assume responsabilidade iha VIII Governu Konstituisionál, partisipa iha sesaun sorumutu konsellu ministru Ordináriu no Extraordináriu sira, hodi bele kontribui no ezekusaun política no programa VIII Governu konstituisionál nian.



SORUMUTU ORDINÁRIU NO EXTRAORDINÁRIU INTERNA MESSK

Realizasaun Sorumutu Ordináriu no Extraordináriu Interna Ministériu nian entre dirijente sira husi Ministériu Ensinu Superior, Siénsia no Kultura nian, atu bele responde ba nesesidade eze-kusaun programa no atividade hirak ne'ebé mak instituisaun ne'e nesesita. Sorumutu hirak-ne'e, ho nia objetivu atu halo avaliasaun no implemtasaun ba programa sira anuál, trimestrál no mós mensál nian, hodi bele garante susesu ba programa sira hotu no mós atinji meta anuál ne'ebé mak propoin ona husi ministériu rasik hodi bele asegura políтика ministériu nian no mós benefisia ba futuru Timor-Leste nia Dezenvolvimentu oin mai.





SORUMUTU INTERMINISTERIAL

P A R S E I R U S I R A

Reuniaun Komisaun Interministeriál ba t ADEZAUN ORGANIZASAUN MUNDIÁL KOMÉRSIU

S. Exa. Ministru Ensinu Superiór, Siénsia no Kultura (MESSK), Longuinhos dos Santos, partisipa iha reuniaun Komisaun Interministeriál faze daruak nian, kona-ba atualiza servisu ne'ebé Timor-Leste halo tiha ona iha ámbitu hodi sai membru Organizasaun Mundiál Komérsiu. Eventu ida-ne'e organiza husi S. Exa. Ministru Koordenador Asuntu Ekonómiku iha Hotel Novo Turismu, no hetan partispasaun husi membru Komisaun Interministeriál, liliu, Ministru Finansas, Ministra Saúde, Vise-Ministru Negósios Estranjeiru no Kooperasaun, Ministru Transporte no Komunikasaun, Ministru Turizmu, Komérsiu no Indústria, Ministru Petróleu no Minerais, Ministru Justisa, Sekretáriu Estadu Arte no Kultura, no mós Ajénsia Autónoma sira.



MESSK hala'o Sorumutuk ho Banku Mundiál

S. Exa. Ministru Ensinu Superiór, Siénsia no Kultura hala'o sorumutu ho Banku Mundiál hodi koalia kona-ba possibilidade apoiu husi Ajénsia ne'e nian ba futuru konstrusaun Sidade Universitária Aileu.

Sorumutu ne'e sura mós hetan partispasaun husi Jerente Banku Mundial nian, Sr. Bernard Harborne nomós reprezentante espesialista na'in-rua iha área Edukasaun nian iha Rejionál Ásia nian mak akompaña liuhusi vídeo konferénsia.

Iha sorumutu ne'e, Banku Mundiál reforsa si-ra-nia kompromisu atu diskuti klean liután iha aspetu tékniku no análise detalladu kona-ba Projeto Sidade Universitaria Aileu.



MESSK Partisipa Iha Sorumutuk Komisaun Interministeriál ba Kriasaun Laboratóriu Nasional Enjeñaria

S. Exa. Ministru Ensinu Superiór, Siénsia no Kultura, Longuinhos dos Santos, hamutuk ho S. Exa. Ministru Obras Públikas, Abel Pires, partisipa iha sorumutuk dahuluk Komisaun Interministeriál ba Kriasaun Laboratóriu Nasional Enjeñaria, ne'ebé lidera husi S. Exa. Vise-Primeiru-Ministru no Ministru Planu no Ordenamento, José Maria dos Reis.

Sorumutuk ida-ne'e hala'o iha salaun Ministériu Planu no Ordenamento, Hudilaran, no hetan mós partisipaun husi Diretor Ajénsia Dezenvolvimentu Nasional (ADN), Diretora Ezekutiva Sekretariadu Grandes Projetus, Koordenadóra Unidade Planeamentu, Parseria no Kooperasaun (MESCC) no tékniku sira.



MESSK Partisipa Iha Reuniaun Trimestral Datolu Asuntu Sosiál

S. Exa. Ministru Ensinu Superiór, Siénsia no Kultura, Longuinhos dos Santos, partisipa iha reuniaun trimestral datolu (3) liña Ministeriál Asuntu Sosiál ba tinan 2022 nian, iha salaun enkontru MSSI, kaikoli.





AUDIENSIAS

DIPLOMATA SIRA



Sorumutuk Kortezia Entre MESSK ho Embaixadór Brasil iha Timor-Leste

S. Exa. Ministru Ensinu Superiór, Siénsia no Kultura (MESSK), Longuinhos Santos, hala'o sorumutuk kortezia ho S. Exa. Embaixadór Brazil iha Díli, Sr. Maurício Medeiros de Assis, hodi koalia kona-ba possibilidade atu reforsa kooperasaun, liuliu iha kapasitasaun rekursus umanus timor oan iha Instituisaun Ensinu Superiór iha Brazil.



MESSK Simu Vizita Kortezia Husi Embaixadóra Portugal ba Timor-Leste

S. Exa. Ministru Ensinu Superiór, Siénsia no Kultura, Longuinhos dos Santos, hala'o sorumutuk ho Embaixadóra Portugal ba Timor-Leste, Sra. Maria Manuela Freitas Bairos, hodi koalia kona-ba possibilidade atu reforsa kooperasaun entre Timor-Leste ho Portugal, liu-liu iha área Ensinu Superior no Kultura nian.

Sorumutuk ida-ne'e, hala'o iha Ministériu Ensinu Superiór, Siénsia no Kultura, iha Kolmera.





PROGRAMA & ATIVIDADE HO

INSTITUISAUN DIRETA/INDIRETA



MESSK Prezidi Sorumutuk

Konsellu Reitór

S. Exa. Ministru Ensinu Superiör, Siénsia no Kultura (MESSK), Longuinhos dos Santos, prezidi sorumutuk Konsellu Reitór, ne'ebé hala'o iha Salaun MESSK, iha Colmera-Díli. Ajenda sorumutu ida-ne'e ho objetivu prinsipál tolu, mak hanesan: (i) halo pontu situasaun kona-ba kalendáriu akadémiku tinan 2022 iha Instituisaun Ensinu Superiör públiku no privadu sira; (ii) partilla informasaun kona-ba implementasaun Programa Bolsa Estudu Hakbi'i no Bolsa Parsiál; (iii) diskuти kona-ba prioridade sira iha setór ensinu superiör ba tinan 2023. Sorumutu ida-ne'e hetan partisipasaun másimu hosi Magnífiku Reitór sira, Prezidente INCT, Diretór Ezekutivu ANAAA, Diretora-Jerál Ensinu Superiör no Siénsia, tékniku no asesór sira Ministériu nian.



MESSK Prezide Sorumutuk

Konsellu Jerál INCT ba dala Ne'en

S. Exa. Ministru Ensinu Superior, Siénsia no Kultura (MESSK), Longuinhos dos Santos, prezide sorumutuk Konsellu Jerál Instituto Nasional de Ciéncia e Tecnologia (INCT, sigla ho portugés) ba dala ne'en.

Sorumutuk refere hala'o iha Ministériu Ensinu Superior, Siénsia no Kultura iha Colmera, no hetan partisipasaun husi Prezidente no Vise-Prezidente Konsellu Ezekutivu INCT nian no Membru sira husi Konsellu Jerál.



MESSK Partisipa Iha Promosaun Anuál

Komisaun Nasional Timor-Leste ba UNESCO Iha Munisípiu Aileu

S. Exa. Ministru Ensinu Superiör, Siénsia no Kulturna (MESSK), Longuinhos dos Santos, partisipa iha abertura Semináriu no Espozisaun ba Promosaun Anuál Komisaun Nasional Timor-Leste ba UNESCO (KNTLU) ho tema “Promove Edukasaun, Siénsia, Kultura no Komunikasaun”, iha Munisípiu Aileu.

Iha abertura, Sr. Ministru salienta katak “realizasaun Semináriu no Espozisaun ida-ne’e importante tebes atu KN-UNESCO halo refleksaun ida kona-ba rezultadu sira ne’ebé alkansa ona no dezafiu, konstranjimentu sira ne’ebé daudauk hasoru hela, ho objetivu hadi’ak efikásia no efisiénsia ba implementasaun atividade sira iha tinan 2022”.

Iha oportunidade ida-ne’e, Sr. Ministru mós agradese ba servisu ne’ebé Komisaun ba Patrimóniu Kulturál Imaterial (PKI) hala’o, ne’ebé hetan rezultadu pozitivu tebes tamba, iha loron-14 fulan dezembru tinan 2021, UNESCO Paris klasifika tiha ona Tais Timor-Leste nu’udar Patrimóniu Imaterial ba Umanidade ne’ebé tenke salvaguarda lalais.

Programa ida-ne’e hala’o iha Salaun Veteranus Munisípiu Aileu no hetan partisipasaun husi Adjuntu Administradór Munisípiu Aileu, Autoridade Lokál, reprezentante Komandante PNTL Munisípiu Aileu, Diretor-Jerál Arte no Kultura hanesan Prezidente Komisaun Patrimóniu Kultural Imaterial (PKI), Sekretáriu Ezekutivu KNTLU no Estudante Sekundáriu sira.



UNTL HALO APREZENTASAUN KONA-BA IMPLEMENTASAUN REJIME KAREIRA BA DOSENTE UNTL

Magnífiku Reitór Universidade Nasional Timor Loro-sa'e (UNTL) hamutuk ho ekipa halo aprezentasaun ba S. Exa . Ministru Ensinu Superiör, Siénsia no Kultura kona-ba prosesu implementasaun Rejime Kareira ba Dosente UNTL nian.



MESSK Prezidi Sorumutu

Konsellu Reitór

S. Exa. Ministru Ensinu Superiör, Siénsia no Kultura (MESSK), Longuinhos dos Santos, prezidi sorumutuk Konsellu Reitór, ne'ebé hala'o iha Salaun MESSK, iha Colmera-Díli. Ajenda sorumutuk ida-ne'e ho objetivu prinsipál tolu, mak hanesan: (i) halo pontu situasaun kona-ba kalendáriu akadémiku tinan 2022 iha Instituisaun Ensinu Superiör públiku no privadu sira; (ii) partilla informasaun kona-ba implementasaun Programa Bolsa Estudu Hakbi'it no Bolsa Parsiál; (iii) diskuti kona-ba prioridade sira iha setór ensinu superiör ba tinan 2023. Sorumutuk ida-ne'e hetan partisipasaun máximu hosi Magnífiku Reitór sira, Prezidente INCT, Diretór Ezekutivu ANAAA, Diretora-Jerál Ensinu Superiör no Siénsia, tékniku no asesór sira Ministériu nian.





PROGRAMA & ATIVIDADE BOA GOVERNASAUN



Formasaun, Deseminasaunn no Kapasitasaun Interna MESSK

Atu garante boa governasaun iha Ministériu Ensinu Supérior, Siénsia no Kultura mak, kada tinan, ministériu implementa atividade no programa balun hodi aumenta kapasidade husi ajente no funzionáriu sira iha Ministériu nian atu, nune'e, hodi bele hadi'ak kualidade administrasaun pública iha instituisaun refere, hodi bele servi público ho kualidade tuir regulamentu ne'ebé mak vigora.

Atu implementa programa hirak-ne'e, ministériu hala'o koordenasaun servisu hamutuk ho instituisaun relevante sira iha rai-laran no mós rai-liur, ba área oi-oin ne'ebé mak tuir nesesidade ne'ebé presiza.



Entrega Sertifikadu Formasaun Estátistica Faze Daruak Nian

Diresaun Nasional Planeamento, Parseria no Estatística MESSK hala'o serimónia, hamutuk Diresaun Jerál Estatística Ministériu Finansas, hodi distribui sertifikadu ba funzionáriu sira ne'ebé mak iha fulan hirak liu ba partisipa tiha ona iha formasaun kona-ba Dadus Estatística ba faze daruak. Formasaun ida-ne'e hala'o iha Edifsiu Estatística Nasional no hetan partisipasaun husi funzionáriu ema nain Hitu (7) husi MESSK no ema nain tolu (3) ne'ebé mau husi estatística Nasional rasik. Serimónia ida-ne'e hala'o iha sala Reuniaun MESSK nian no setrifikadu sira entrega oficialmente husi Diretor-Jerál Administrsaun no Finansas MESSK, Sr Hernâni Viterbo da Costa Soares, Diretor-Jerál Estatística – Ministériu Finansas, Sr. Elias dos Santos Ferreira.



Desimiasaun Lei n.º 12/2016 Kona-ba Rejime Kontributivu ba Seguransa Sosiál

Ministériu Ensinu Superior, Siénsia no Kultura, liu husi Diresaun Nasional Rekursus Umanus, ho kooperasaun husi Institutu Nasional Seguransa Sosiál, Hala'o Semináriu ida atu desimina konteúdou Lei n.º 12/2016, loron 14 fula-Novermbru, ne'ebé relasiona ho 'Rejime Kobtributivu Seguransa Sosiál'.

Semináriu ida-ne'e, hala'o iha salaun Ian Martin-INFORDEPE-Balide, ho objetivu atu assegura desiminasau informasaun ba funzionáriu sira husi MESSK no SEAK kona-ba lalaok no prosedimentu sira ne'ebé lei refere. Atividade ne'e lidera husi Diretor Nasional Rekursu Umanu, Sr. Jeremias Gomes, no oficialmente loke husi Xefi Gabinete S.Exa Ministro, Sr. José dos Santos. Atividade ne'e hetan partisipasaun máximu husi Dirijentes no funzionáriu sira husi MESSK no SEAK.



Semináriu Kona-ba Jestaun no 3

Protesaun ba Dadus Pesoál

Ministériu Ensinu Superiór, Siénsia no Kultura, liuhusi Diresaun Nasional Planeamantu Parseria no Estatística (DNPPE), realiza semináriu ho tema ``Jestaun no Protesaun ba dadus Pesoál``, ne'ebé hala'o iha Sala Konferérensia Hotel Timor Dili.

Objetivu husi semináriu ida-ne'e, atu habelar no transmite informasaun kona-ba, importânsia husi Jestaun no Protesaun ba Dadus Pesoál ne'ebé mak rekollidu husi Instituisaun ne'e rasik no mós intituisaun sira seluk. Oradór sira ba iha semináriu refere mai husi entidade relevante sira hanesan, TIC Timor I.P., INCT, PCIC, DGE-Ministériu Finansas no Eis-Ministru Ensinu Supérior Kabu Verde.

Semináriu ne'ebé hala'o durante loron ida ne'e, ofisialmente loke husi Diretor-Jerál Administrasaun no Finansas (DJAF), Sr. Hernâni Viterbo da Costa Soares, hanesan representante husi S. Exa. Ministru MESSK, no hetan partisipasaun husi reprezentante Instituisaun Ensinu Supérior sira, funzionáriu husi MESSK rasik no mós husi entidade relevante sira seluk.



Desiminasaun Informasaun Portál KAK ba Deklarasaun Beins no Interesse

Diresaun Nasional Rekursu Umanu – MESSK, halo koordenasuan ho Komisaun Anti Korupasaun (KAK) hodi konvoka sesaun extraordinária ba desiminasaun no fahe informasaun kona-ba mekanizmu priensimentu formuláriu iha portál KAK nian, kona-ba deklarasaun beins no interesse, ba funzionáriu no kargu xefia sira husi MESSK nian no mós instituisaun tutelada sira.

Iha fulan hirak liu ba, molok KAK atu lansa portál ne'e, halo koordenasuan servisu ho ajénsia TIC Timor, hodi kumpri Dekretu-Lei n.º 7/2020, loron-26 fulan-agostu, ne'ebé aprova kona-ba Medida Prevensaun no Kombate Korupsaun nian.

Oradór ba atividade ne'e, mak tékniku husi KAK rasik no ofisialmente loke husi Diretor-Jerál Administrasaun no Finansas – MESSK, Sr. Hernâni Viterbo da Costa Soares, no hetan partisipasaun másimu husi funzionáriu no kargu xefia sira husi MESSK no Instituisaun relevante sira.



Hala'o teste diagnóstiku Lian Portugués ba Funzionáriu MESSK

Diresaun Nasional Rekursu Umanu – MESSK, ha-mutuk ho Diresaun Jerál Ensinu Superiör no Siénsia, realiza atividade teste diagnóstiku lian português ba funzionáriu sira husi MESSK no SEAK, molok atu hahú fromásau ba lian português.

Objetivu husi formásau ne'e, atu kapasita funzionáriu sira nia área lian português nian, hodi bele fasilita sira-nia necessidade sevisu lor-loron iha instituisaun ne'e rasik.

Programa ba formasaun sei hafahe ba klase básiku no intermídiariu no sei hala'o durante período fulan tolu (3) nia laran.



EAST AND SOUTHEAST ASIA REGIONAL TRAINING WORKSHOP

Ekipa husi Ministériu Ensinu Supérior, Siénsia no Kultura, ne'ebé mak kompostu husi tékniku MESSK na'in-rua (2), Sr. Vasco Viana husi UPPC no Sr. Agostinho de Sousa Gama da Costa husi DNESUT no mós husi Estatística Nasional MOF, Sr. Francisco Crisanto partisipa iha East and Southeast Asia Regional Training Workshop, kona-ba ``Strengthening Nasional Capacities in Education Indicators and Statistics for Evidence based Policymaking, Planning and Monitoring of SDG 4 (Sustainability Development Goal)``, ne'ebé organiza husi UNESCO Bangkok, hahú husi loron-3 to'o loron-5 Outubru 2022 iha Bangkok, Thailandia.

Objetivu husi workshop ne'e, atu hassae kapasidade ofisiál sira husi NASAUN membru UNESCO sira atu sistemáticamente monitoriza progresu SDG 4, liuhusi utilizasaun Sistema informasaun Edukasaun hanesan instrumentu no metodolozia ba atividade Monitorizaun refere.





PROGRAMA & ATIVIDADE SELUK



S. Exa. Ministru Ensinu Superiór, Siénsia no Kultura

PARTISIPA SERIMÓNIA GRADUASAUN

S. Exa. Ministru Ensinu Superiór, Siénsia no Kultura partisipa iha Serimónia Graduasaun ba Dalasanuluk-resin-tolu (XIII) husi Institutu Superiór Kristál.

Intervensaun S. Exa. Ministru Ensinu Superiór, Siénsia no Kultura, sai hanesan onra boot ida hodi mai marka prezensa iha Serimónia Gradusaun ba Dasanaluk-resin-tolu (13.^a) husi Institutu Superiór Kristál neébé mak halão iha fatin ida-neé.

Ha'u hakarak hahú ha'u-nia intervensaun hodi kumprimenta participante no konvidadu sira hotu, liuliu ha'u-nia saudasaun espesiál ba Prezidente-Ezekutivu Fun-dasaun Kristál, Dr. Agostinho dos Santos Gonçalves, no Magnífiku Reitór Institutu Superiór Kristál, Dr. Sebastião Pereira.

Iha biban ida-neé, Ha'u hakarak apresenta mós ha'u-nia kumprimentus ba komunidade akadémika Institutu Superiór Kristál, liu-liu ba Vise-Reitór, Dekanu, Dosente no estudante sira.

Ohin, loron ida ksolok ba graduadu no sira-nia família, maibé nuudar mós loron esperansa ba ita-nia Nasaun, tanba hahú ohin ba oin, ita aumenta tan ona ita-nia rekursus umanus neébé mak kapasitadu no graduadu.

Serimónia ida-neé reprezenta susesu ba ema hotu neébé, direta no indiretamente, fó apoiu ba perkursu akadémiku ba estudantes sira neébé ohin loron bele realiza sira-nia graduasaun.

Tamba ida-neé maka, hau' fó hau'-nia parabéns ba dirigente, dosente no estudante sira neébé haknaran a'an iha Institutu Superiór Kristál nian.

Ha'u hakarak felisita estudante graduadu sira, tambá imi bele hatudu ona imi hotu nia motivasaun, kapasidade, esforsu no talentu durante imi-nia perkursu akadémiku, hodi bele hakat liu difikuldade, no imi aprende ho susesu duni, koñesimentu neébé dosente sira transmiti ba imi hotu.

Parabéns mós ba imi-nia família tanba fó apoiu ona ba imi durante perkursu akadémiku, tambá família mak sai hanesan elementu fundamental ba imi-nia susesu.

Estudante ida-idak maihusi família neébé iha esperansa ba futuru, tan família halo ona sakrifísiu no esforsu barak hodi asegura kondisaun nesesária, atu imi hetan ona susesu iha perkursu akadémiku ida-neé. Tamba neé, parabéns ba estudante graduadu sira no ba imi-nia família hotu.

Ita-nia nia vizaun ba Planu Estratégiku Dezenvolvimentu Nasional nian ida mak hanaran Kapital Sosial neébé mak sita liafuan hanesan tuir mai neé: "A verdadeira riqueza de qualquer Nação é a força do seu povo. A maximização da saúde, educação e qualidade de vida gerais do povo timorense é essencial para se conseguir uma Nação justa e desenvolvida".

Neé atu dehan katak (kualkér Nasaun nia rikusoin loloos mak nia povu nia forsa. Maksimizasaun ba saúde, edukasaun no kualidade vida ba povu Timor tomak nian, ida-neé mak sai esensiál tebes hodi bele harii Nasaun ida justa no dezenvolvida).

Bainhira ita hakarak konkretiza vizaun ida-neé, no mós hakarak garante sustentabilidade iha ita-nia Nasaun, ita presiza setór edukasaun prodús rekursu umanu ho kualifikasiadaun neébé aás no ihaabilidade atu prodús koñesimentu foun kona-ba ita-nia realidade hanesan nia área geofísika, biolójika, sosiál no kulturál.

Ho razaun ida-neé, Governu Konstitusionál Daualuk (VIII) ninia preokupasaun prinsipál mak, hadi'ak nafatin kualidade iha ensinu superiór to'o ohin loron.

Maske hasoru konstranjimentu durante mandatu, hahú kedes iha tinan-2018 to'o ohin loron ita tama ona tinan 2022, hanesan krize política, orsamentu neébé xumba iha Parlamentu iha tinan-2020, pandemia COVID-19 no dezastre natural, Governu kontinua implementa nafatin medida neébé bele kontribui atu kontinua halo mudansa ba paradigma kualidade ensinu superiór Timor-Leste nian.



Ita-nia joven sira nuudar jerasaun ba futuru Nasaun nian, no sira-nia kontribuisaun sei transforma no dezenvolve ita-nia paíz. Hanesan famozu edukadór brazileiru, Paulo Freire afirma katak, “Educação não transforma o mundo. Educação muda as pessoas. Pessoas transformam o mundo”. Ne'e signifika katak (edukasaun la transforma mundu. Edukasaun muda ema nian hanoin hodi nune'e ema bele halo transformasaun ba mundu.)

Ne'e signifika katak edukasaun nia papel maka forma rekursu umanu kualifikadu no bainhira tama ba iha merkadu traballu, sei kontribui hodi muda sosiedade. Tamba ne'e, Timor-Leste tenke apostea ba formasaun kualifikadu ba rekursu umanu, atu nune'e ita bele atinji meta ne'ebé estabelese ona iha Planu Estratejiku ba Dezenvolvimentu Nasional.



MESSK Partisipa Iha Serimónia Lansamentu ba Avaliasaun Institutionál no Programátiku Tinan 2022

S. Exa. Ministru Ensinu Superiór, Siensia no Kultura, Longuinhos dos Santos, partisipa iha serimónia lansamentu ofisiál ba Avaliasaun Institutionál no Programátiku tinan 2022, nebé halao iha salaun Katedral Vila-Verde.

Iha serimónia ida ne'e, ANAAA entrega mós sertifikasi du sira kona-ba prosesu Akreditasaun tinan 2021.



ASSINATURA MOU MESSK HO TIC TIMOR, I.P

Ministériu Ensinu Supérior, Siénsia no Kultura, realiza assinatura Memorandu Entendimentu ho ajensia Tenoloxia Informasaun komunikasaun Timor (TIC Timor, I.P). objetivu husi assinatura MOU ida ne'e, hodi reforsa liu tan kooperasaun servisu entre instituisaun rua ne'e, liu-liu iha area teknolojia no informasaun nian atu hodi apoiu ba reforsa servisu administrasaun publikas nian, hodi bele redus kustus desnesarius sira iha instituisan governo nian.

Koodenasuna servisu ida ne'e, foka liu ba iha area teknolojia no informasaun nian hanesan, modernizaun sistema administrativu, ne'ebé mak kabe ba fornesimetu redes internet, meius komunikasaun sira hanesan plataforma website no base dadus, alem de ida ne'e, hanesan parte ida atu introduz sistema e-government ou Governo Eletronico.



Inaugurasaun Sentru Komunitáriu Aprendizájen

S. Exa. Ministru Ensinu Superior, Siénsia no Kultura, Longuinhos dos Santos, hamutuk ho S. Exa. Ministru Edukasaun, Juventude no Desportu, Armindo Maia, partisipa iha serimónia inauguraun Sentru Komunitáriu Aprendizájen Kuda-Ulun Bobonaro, iha suku Holsa, Postu Administrativu Maliana, Munisípiu Bobonaro. Atividade hanesan realiza Sentru Komunitáriu Aprendizájen Haburas Manuleu Oan, iha suku Wenunuk, Postu Administrativu Metinaro, Munisípiu Dili, ne'ebé , mak ho nia tema “Seidauk Tarde Atu Aprende, Mai ita Aprende Hamutuk”.

Serimónia ne'e organiza husi Komisaun Nasional Timor-Leste ba UNESCO (KNLU) ho tema “Seidauk Tarde Atu Aprende, Mai ita Aprende Hamutuk”.



Diálogu ho Autoridade Lokál no Komunidade sira iha Munisipiu Lautem

S. Exa. Ministru Ensinu Superior, Siénsia no Kultura, Longuinhos dos Santos, hamutuk ho membru Governu balun, akompaña S. Exa. Primeiru-Ministru Taur Matan Ruak hala'o diálogo ho Autoridade lokál no Komunitária sira iha Munisipiu Lautému ho tema: "Reforsa Reziliénsia Nasaun Nian".

Partisipante sira iha diálogo ne'e (veteranus no jerasaun patriota munisípiu Lautému) hato'o pergunta pertinente balun ligadu ba kompeténsia husi Ministériu Ensinu Superior no Kultura, liu-liu kona-ba familia sira ne'ebé mak la iha ona forsa atu haruka oan sira ba eskola iha Universidade no prosesu apoiu Uma Lulik.

S. Exa. Ministru Ensinu Superior, Siénsia no Kultura hatan katak Politika VIII Governu estabelese ona programa ida foun (hari'i iha 2021) ho naran Bolsa Hakbi'it, ne'ebé mak hari'i iha tinan 2020 maibe lakonsege ezekuta tamba kauza husi xumba OJE 2020 - no Estadu moris ho duodésimu – no mós problema seluk hanesan Covid-19.

Informa mós katak iha tinan 2021 Ministériu, liu husi FDCH, konsege rekruta ona sidadaun beneficiáriu sira ba Bolsa Hakbi'it hamutuk ema 910, ne'ebé mai husi munisipiu sira hotu (inklui RAEOA) hodi promove igualidade ba oportunidade atu asesu iha vaga refere. Iha tinan 2022, aprova ona orsamentu atu rekruta tam beneficiáriu hamutuk 1000 ne'ebé mak atu tama iha Instituisaun Ensinu Superior público (UNTL no IPB) no privadu akreditadu sira.

Relasiona ho prosesu apoiu Uma Lulik, Sr. Ministru informa katak ita fó apoiu iha kategoria 3 mak hanesan: konstrusaun, rehabilitasaun no inauguraun.

Maibé pedidu proposta tenki iniciativa mai husi Uma Lisan nia na'in sira no submete ba MESCC, liu husi SEAK.

Diálogu ne'e hala'o iha salaun Sentru Konvensaun Lautem, no hetan partisipasaun husi Membru Governu, Administradór Munisípiu, Administradór Postu, Xefi Suku, Xefi Aldeia, reprezentante religiozu, veteranus, grupu juventude no sosiedade civil.



Semiáriu Kona-ba Igualdade Jéneru Bazeia ba Koseitu no Implementasaun

Ministériu Ensinu Superiór, Siénsia no Kultura, liuhusi Diresaun Herál Aministrasaun no Finansas, realiza semináriu ho tema `` Iguldade Jéneru Bazeia ba Konseitu no Implementasaun `` ba funzionáriu sira husi Minstériu no Instituisaun ne'ebé tutela ba MESSk, iha salaun INAP, Díli.

Objetivu husi semináriu ida-ne'e, atu fó-oportunidade hodi promove no dezenvolve konseitu sira no implementasaun ba suntu igualdade jéneru nian, ba funzionáriu sira Minstériu nian, no mós ba funzionáriu sira husi Instituisan tutela ba Minstériu ne'e rasik.

Portanto promosaun ba funzionáriu feto sira-ne'ebé mak okupa kargu-xéfia iha ministério, husi total kargu-xefias 50, iha feto 15 mak okupa, 35 mak mane sira, no iha termus número nian, iha funzionáriu hamutuk 481 funisonáriu, husi total ida-ne'e, funzionáriu feto hamutuk 180 mak okupa iha nível no grau oi-oin.

Painelista ba atividade ide-ne'e, mai husi entidade relevante sira hanesan, Komisaun Funsau Pública (KFP), SII, FOKUPERS, UN Women, PDHJ no Fundasaun ALOLA.



MESSK Halo'o Enkontru Aprezentasuan Pública ho Fundasaun Sira Kona-ba Prosesu Lisensiamentu

S. Exa. Ministru Ensinu Superór, Siénsia no Kultura, Longuinhos dos Santos, hamutuk ho ekipa tékniku sira haláo enkontru kona-ba apresentasaun pública husi Fundasaun Maria Nazaré, hodi koalia kona-ba prosesu lisensiamentu Instituto Universitáriu Naroman Espransa iha Munisipiu Ermera, Fundasaun Kristál no ninia ekipa, hodi koalia kona-ba prosesu lisensiamentu Instituto Superiór Kristál iha Munisipiu Aileu, no Fundasaun Neon Metin no ninia ekipa, hodi koalia kona-ba prosesu lisensiamentu UNPAZ iha Munisipiu Covalima ho REAOA.

Aprezentasaun ida-ne'e halaó iha edifisiu MESSK Kolmera-Dili.



MESSK no ADTL Hala'o

Asinatura Memorandu Entendimentu

Diretóra-Jerál Ensinu Superiör no Siénsia no Diretor Ezekutivu Asosiasaun Defisientes Timor-Leste (ADTL) hala'o asinatura Memorandu Entendimentu, iha salaun Ministériu Ensinu Superiör, Siénsia no Kultura (MESSK), Kolméra-Díli.

Asinatura Memorandu Entendimentu ida-ne'e hala'o ho objetivu prinsipál hodi fó apoiu ba akizisaun material espesíku hodi tulun estudante sira ne'ebé frekuenta iha ensinu superiör no liu-liu sira ne'ebé mak iha nesesidade espesiál. MESSK hakarak implementa medida ne'e hodi kria kondisaun atu bele iha igualdade ba oportunidade iha prosesu ensinu no aprendizagen ba estudante sira ne'ebé ho nesesidade espesiál. Partisipa iha serimónia ne'e, S. Exa. Ministru Ensinu Superiör, Siénsia no Kultura, Diretor Nasional, Asesór no mos tékniku sira.



MESSK Hala'o Sorumutuk ho ISFIT no Delegasaun UGM

Ministériu Ensinu Superiör, Siénsia no Kultura (MESSK), liu hosi Diretora-Jeral Ensinu Superiör no Siénsia, akompanha husi asesór sira, hala'o sorumutuk ho ISFIT-D. Jaime Garcia Goulart ho delegasaun sira husi Universitas Gadjah Mada (UGM), iha salaun MESSK nian.

Objetivu husi sorumutuk ne'e koalia kona-ba bolsa estudu ne'ebé sei fornese husi Universitas Gadjah Mada (UGM) ba timoroan sira, hala'o peskizaientífiku hamutuk no publikasaun científika.



MESSK Partisipa Iha Serimónia Inaugurasaun

Edifísiu Fakuldade Ekonomia no Jestaun UNTL

S. Exa. Ministru Ensinu Superior, Siénsia no Kultura, Longuinhos dos Santos, partisipa iha serimónia inaugurasaun edifísiu Fakuldade Ekonomia no Jestaun iha Universidade Nasional Timor Lorosa'e (UNTL). Iha diskursu, Sr. Ministru hatete katak: "importante tebes atu dosente no estudante sira iha sala aula ne'ebé adekuada, laboratóriu espesializadu no biblioteka, hodi partisipa ho ativa iha prosesu ensinu no aprendizajen. Nune'e, inaugurasaun edifísiu ida-ne'e, iha signifikadu boot tebes, tanba bainhira UNTL iha kondisaun ne'ebé di'ak, ne'e reprezenta mós oportunidade atu hadi'ak liutan kualidade rekursu umanu ne'ebé permite atu ita-nia Nasaun bele kumpri nia mehi ba dezenvolvimentu nasional no bele sai Paíz ida ne'ebé justu no prósperu".

Sr. Ministru halo apelu ba dosente no estudante sira atu "tau-matan ba instalasaun sira-ne'e ho haree-di-di'ak no uza edifísiu ne'e ho objetivu atu hadi'ak prosesu ensinu no aprendizajen nian, tambá Estadu investe ona hodi harii edifísiu ne'e no presiza tau onra ba esforsu finanseiru ida-ne'e".

Serimónia ida-ne'e hetan partisipasaun husi Vise-Ministru Komérsiu no Indústria, Prezidente Komisau Funsaun Pública, Diretor Executivo ANAAA, Vise II INCT, Magnífiku Reitor UNTL, Dekanu no mos kondidadu sira seluk.



KONFÉRENSIA INTERNASIONÁL DARUAK KONA-BA


EDUksaun no Formasaun Tékniku-Vokasionál

S. Exa. Ministru Ensinu Superior, Siénsia no Kultura, Longuinhos dos Santos, hamutuk ho membru Governu sira balun, akompaña S. Exa Primeiru-Ministru, Taur Matan Ruak, iha serimónia abertura Konferénsia Internasional Daruak kona-ba Eduksaun no Formasaun Tékniku-Vokasionál ho tema: "Aumenta kualidade no inkluzasaun husi Eduksaun no Formasaun Tékniku-Vokasionál iha Timor-Leste ba Dezenvolvimentu Nasional", ne'ebé hala'o iha sentru konvensaun Oka.






Ministério do Ensino Superior,
Ciencia e Cultura



www.MESCC.GOV.TL



Ministério do Ensino Superior,
Ciencia e Cultura



EDIFISIU MESSK

Avenida Marginal No.º4, Colmera, Díli